

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI ZVUČNIH UREĐAJA ZA UPOZORENJE I MOTORNIH VOZILA U POGLEDU NJIHOVIH ZVUČNIH SIGNALA

I PODRUČJE PRIMJENE

Član 1.

Zvučni uređaji za upozorenje, napajani jednosmjernom ili naizmjeničnom strujom ili vazduhom pod pritiskom koji su namjenjeni za ugradnju na motorna vozila kategorija L₃, L₄, L₅, M i N; te vozila kategorije L₃, L₄, L₅, M i N u pogledu njihovih zvučnih signala moraju biti homologovani u skladu sa ovom naredbom.

Zvučni uređaj za upozorenje koji se sastoji od nekoliko zvučnih izlaza aktiviran iz jedne napojne jedinice će se razmatrati kao jedan zvučni uređaj za upozorenje.

Zvučni uređaj za upozorenje koji se sastoji od nekoliko sklopova koji emituju zvučni signal i koje rade istovremeno nakon što se pokrenu jednom komandom smatraće se jednim zvučnim uređajem za upozorenje.

II ZAHTJEVI

Član 2.

Jednoobrazni uslovi za zvučne uređaje za upozorenje, kao i motorna vozila u pogledu njihovih zvučnih signala, iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju zvučnih uređaja za upozorenje i motornih vozila u pogledu njihovih zvučnih signala (Pravilnik broj 28 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 28), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa („Službeni glasnik Bosne i Hercegovine“, broj /2010).

ECE pravilnik br. 28 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija zvučnih uređaja za upozorenje, kao i motorna vozila u pogledu njihovih zvučnih signala, iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja zvučnih uređaja za upozorenje, kao i motornih vozila u pogledu njihovih zvučnih signala, iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 28 prema Odluci o najnižim tehničkim zahtjevima za novoproduzvena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi “Naredba o obaveznoj homologaciji zvučnih uređaja za upozorenje, kao i motornih vozila u pogledu zvučnih signala” (“Službeni list SFRJ”, broj 60/86).

Ministar

.....
mr sc. Rudo Vidović